

# INUIT ATAQATIGIIT INATSISARTUNI



UPA2023/163  
Majip 16-iat 2023  
Harald Bianco

**Ikiaroorartunik sakkortuunik eqqusseriartunut, tuniniaasunullu pineqaatissiisarnep sakkortunerulernissaa pillugu Naalakkersuisut 2023 naatinngu Naalagaaffimmut saaffiginnissuteqarnissaannik Inatsisartut aalajangiiffissaattut siunnersuut.**

(Inatsisartuni ilaasortaq Aqqalu C. Jerimiassen, Atassut)

## **Oqaaseqaat:**

Siullermik inatsisartuni ilaasortaq Aqqalu C. Jeremiassen, Atassut. Qutsavigaatsigit aalajangiiffigisassatut siunnersuuternut. Taamatullu Naalakkersuisut akissutissinnut qujanaq.

Inuit Ataqatigiinniit oqaatigissavarput ikiaroorartunik nunatsinnut eqqussuineq akuersaangilluinaratsigu. Inuit Ataqatigiinniit isumaqataaffigaarput pineqaatissiisarnepit sukatiterneqartariaqartut. Tamatumani nunatsinni innuttaasut oqalliseqataanissaat peqataatinneqarnissaallu Inuit Ataqatigiinniit pingaartutut isigaarput.

Nalunngilarputtaaq ikiaroorartut hashi il. il., ullutsinni annertoorujussuarmik ajornartorsiutaanerit alliartuinnartoq, atuisullu inuusussigaluttuinnarlutik. Taamaattumik pissusissamisoorpoq nunatsinni akiuiniarnermut sukatiterisariaqartugut suli.

Oqaatigerusunnarpoq ukiualuit qaangiuttut matuma siornagut politiit ikiaroorartunik akiuiniarlutik tuniniaasartut tunuliaqutaannut suliniarnertik saatinnerummassuk. Soorunami tamanna ajunngilaq, kisiat ulloq-manna tikillugu tamanna iluatsinnersoq apeqquseqqajaanartarpoq, atuinerup tuniniaanerullu milliartorani alliartuinnartutut isikkoqarnera isigissagaanni. Taamatut periuseqalernerup nassatarivaa ulluinnarnik aqqusinerni angerlarsimaffinnilu tuniniaanerup politiimiit kingulliunneqalerneru. Taamaalluni tuniniaasut suneqaratik ilaatigut isiginnaaginnarneqalernikuullutik.

Inuit Ataqatigiiniit pingaartutut isigaarput pineqaatissinneqarlutik isertitsivimiittut, isertitsivimmiinnermi nalaani malunnaatilimmik katsorsarneqartarnissaat, inuiaqatigiinnut uteqqinnerminni pinerloqqinnginnissaat anguniarlugu.

# INUIT ATAQATIGIIT INATSIARTUNI



Quleqattami oqaatigineqartutuut nunatsinni Naalakkersuisut Naalagaaffimmut saaffiginninnissamik isuma pissusissamisoortutut isigigatsigu. Inuit Ataqatigiinniit aamma piumasaqaataasinnaasoraarput, Naalagaaffik pineqartunut annertunerusumik eqqummaarittariaqartoq.

Taamatut Inuit Ataqatigiinniit oqaaseqarluta Naalakkersuisut allannguutissatut siunnersuutaat taperserparput. Ataatsimiititaliamullu susasaqartumut ingerlateqqillugu.

Qujanaq.